

**Von Auftaillung des Proviandts/ nemlich was
man jeder Person täglich für ihr Zehrung vnd Unterhal-
tung auff der Galea geben thut/**

Von Auf-
taillung
des Provi-
andts.

SIE Ersste Portion / der Capitano oder der Hauptmann/hatt täglich. 5. Pfund Flaisch. 5. Amole Wein/ vnd vmb. 5. Schilling Brott zuverzehren/an den Fasttagen aber vnd auß mangel des Flaisch/bef- dient er sich der Fisch/Eben ein solche Portion wird dem Comito reale auch täglich geraicht.

Die Ander Portion/des Hauptmannsdienner hatt täglich. $1\frac{1}{2}$. 8. Flaisch. $1\frac{1}{2}$. Amole Wein / vnd vmb. 2. Schilling Brott für sein Unterhaltung/an den Fasttagen aber wird jme an stat des Fleisches 1. 8. Räß/ sampt ein wenig Fisch geraicht.

Die Dritte Portion ist. 3. 8. Flaisch. 3. Amole Wein/ vnd vmb 2. Schilling Brott/an den Fasttagen aber auß mangel des Fleisches. $1\frac{1}{2}$. 8. Räß/ sampt eingesalzenen Fischlin mit Oel vnd Essich. Soviel wird täglich dem Comito, oder dem Auffseher über die Sclaven/ wie auch dem Scrivano, oder dem Schreiber geraicht.

Die Vierte Portion ist. 2. 8. Flaisch. 2. Amole Wein / vnd vmb 2. Schilling Brott/ oder aber. 2. 8. schweer Biscotten/ welche dem Sotto Comito, oder dem vnder Comito, Ingleichem dem Agosino (der ist fast wie ein Schergant/ so die Sclaven an die Ketten schmidet/ auch dieselbige widerumben darvon ablöset/ darmit er dann grosse Geschäftt hatt) vnd allso jedem ein solche Portion täglich gegeben wird/ an den Fasttagen aber wird an stat des Fleisch. 1. 8. Räß. 6. Sardene, daß seind klein eingesalzene Fischlein / sampt ein wenig Oel vnd Essich geraicht.

Die Fünfste gemaine Portion ist. 1. 8. Flaisch. 1. Amola Wein/ vnd vmb. 2. Schilling Brott/ oder. 2. 8. schweer Biscotten/ an den Fasttagen aber/ so wird an stat des Fleisch. $\frac{1}{2}$. 8. Räß/ sampt. 3. Sardene, mit wenigem Oel vnd Essich gegeben.

Die Sechste Portion ist. $\frac{1}{2}$. 8. Fleisch. $\frac{1}{2}$. Amola Wein / sampt einem Schisselin mit warmer Menestra von Reiß/ Erbis/ Kraut/ oder dergleichen Ding/ so am allerwenigsten kosten thuet / vnd. 2. 8. Unschweer schlecht gemaine Biscotten/ an Fasttagen aber / auß mangel des Fleisch/ soviel Räß/ diese Portion wird jedem Bonavoglia (daß seind diejenige Christenkinder/ so dem Spilen also ergeben vnd affectioniert. Daß sie sich mutwilliger Weiß auff die Galea selbster versee